



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavke

Anr.373/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Kymete Kicaj kryesuese, Afijete Sada Gllgjani dhe Ferki Xhaferi anëtarë, me pjesëmarrjen e zyrtarit ligjor Kushtrim Zuka, duke vendosur përkitazi me ankesën e Artan Mezarja, Kryesues i Komisionit Komunal Zgjedhor (KKZ), në Kaçanik, paraqitur kundër subjektit politik Lidhja Demokratike e Kosovës (LDK), me seli në Kaçanik, me objekt të çështjes, mbajtja e tubimit publik gjatë fushatës zgjedhore, për Zgjedhjet e Parakohshme për Kuvendin e Republikës së Kosovës, që do të mbahen më datë 14.02.2021, pa autorizim nga Komisioni Komunal Zgjedhor (KKZ), në Kaçanik, në seancën e panelit të mbajtur më datë 14.02.2021, mori këtë:

#### V E N D I M

**Hudhet e pasafatshme ankesa** e identifikuar me numër Anr.373/2021, e datës 12.02.2021, paraqitur nga Artan Mezarja, Kryesues i Komisionit Komunal Zgjedhor (KKZ), në Kaçanik, kundër subjektit politik Lidhja Demokratike e Kosovës (LDK), me seli në Kaçanik.

#### A r s y e t i m

Me datë 12.02.2021 PZAP-i, ka pranuar një ankesë, e cila është dorëzuar në Postë me datë 10.02.2021, nga Artan Mezarja, Kryesues i Komisionit Komunal Zgjedhor (KKZ), në Kaçanik, me të cilën thekson se me datën 08.02.2021 nga Policia e Kosovës – Stacioni Kaçanik ka pranuar një Raport të Monitorimit të Tubimit Publik, të subjektit politik Lidhja Demokratike e Kosovës (LDK), me seli në Kaçanik, ku ky subjekt politik ka organizuar tubim elektorale pa e përfillur Rregullën Zgjedhore Nr.13/2013, neni 4, paragrafi 2, dhe si e tillë ky tubim mund të cilësohet i pa autorizuar. Parashtruesi i ankesës thekson se tubimi është mbajtur në kafiterinë “Egzona” në Kaçanik, me datë 06.02.2021 nga ora 14:00 – 15:00, ku pjesëmarrës në këtë tubim ishin mbi 100 - 150 persona, ndër ta edhe kandidati për kryeministër nga ky subjekt, Avdullah Hoti.

Paraqitësi i ankesës në mbështetje të pretendimeve në ankesë si dëshmi ka bashkangjitur Raportin e Monitorimit të Tubimit Publik nga Policia e Kosovës dhe disa fotografi të printuara në lidhje me mbajtjen e tubimit.

PZAP-i, më datë 12.02.2021, konform nenit 7, par.1, të Rregullave dhe Procedurave të PZAP-it, njoftoi subjektin politik Lidhja Demokratike e Kosovës (LDK), për ankesën e paraqitur, duke i dhënë kohë për përgjigje deri më datë 12.02.2021 në ora 18:00.

Në përgjigjen në ankesë të datës 12.02.2021, subjekti politik Lidhja Demokratike e Kosovës (LDK), konsideron se ankesa e KKZ në Kaçanik është e pasafatshme, për arsye se e njëjta

është parashtruar në kundërshtim me nenin 5, paragrafi 5.5 të Rregullës Nr. 02/2015, i cili shprehimisht thotë: “Për të gjitha çështjet që nuk lidhen drejtpërdrejt me votimin dhe numërimin, ankesa duhet të parashtrohet pranë PZAP-it brenda njëzetekatër (24) orëve nga shkelja e supozuar”. Kjo argumentohet me faktin se data e tubimit ka qenë me datë 06.02.2021 (ora 14:00), që ceket në vet ankesën e parashtruesit dhe raportin e përcjellur si provë, kurse ankesa është parashtruar me datë 12.02.2021 (ora 11:14).

Andaj, mbi bazën e të gjithave që u thanë në këtë përgjigje në ankesë, subjekti politik Lidhja Demokratike e Kosovës (LDK) i propozon Panelit që ankesën ta hudhë poshtë si të palejuar.

Paneli pas vlerësimit paraprak të afatshmëris së ankesës, gjeti se:

#### **Ankesa është e pasafatshme**

Nga ankesa e paraqitur nga Artan Mezraja, Kryesues i Komisionit Komunal Zgjedhor (KKZ), në Kaçanik, e cila është pranuar në PZAP me datë 12.02.2021, dërguar përmes Postës me datë 10.02.2021, konstatohet se ankesa është paraqitur në datën kur është vulosur nga Posta ashtu siç përcaktohet në nenin 5.2 të Rregullës Nr. 02/2015, Rregullat dhe Procedurat, e që në këtë rast është data 10.02.2021.

Paneli pas shqyrtimit paraprak të ankesës, ka gjetur se e njëjta është paraqitur pas afatit ligjor të përcaktuar me dispozitën ligjore të nenit 5, paragrafi 5, i Rregullave dhe Procedurave të PZAP-it, Rregullën Nr. 02/2015, ku përcaktohet: “Për të gjitha çështjet që nuk lidhen drejtpërdrejt me votimin dhe numërimin, ankesa duhet të parashtrohet pranë PZAP-it, brenda 24 orëve nga shkelja e supozuar”. Në këtë rast ankesa është dorëzuar në Postë me datë 10.02.2021 në ora 11:14 ndërsa është pranuar në PZAP me datë 12.02.2021, për derisa shkelja e pretenduar supozohet se ka ndodhur me datë 06.02.2021, në ora 14:00 – 15:00. Përkundër faktit se shkelja është lajmëruar nga Policia e Kosovës me raport policor me datë 08.02.2021, KKZ në Kaçanik ankesën e ka adresuar përmes postës në PZAP me datë 10.02.2021, duke lëshuar kështu afatin e përcaktuar ligjor të cekur si më lartë.

Nga arsyet e theksuara më lartë e në kuptim të nenit 115 paragrafi 1, neni 118 të LZP-së, paneli vendosi si ne dispozitiv të këtij vendimi.

#### **Paneli Zgjedhor për Ankesa dhe Parashtrësia**

A.nr.373/2021 me datë 14.02.2021

**Kryesues i Panelit**  
**Kymete Kicaj**



**Këshillë Juridike:** Kundër këtij vendimi nuk lejohet ankesa, ne kuptim të nenit 118.4 të LZP-së